

祖 聖
言 格 訓 庭

爪洋序報

訓曰今者各國海外諸物畢至珍禽奇獸耳
之所未聞書傳之所記者皆得見之且畜
養而孳生者亦有之即此觀之凡物各遂
其性雖禽獸亦如其本地之生育焉汝等
如此少年甚至於孩提之童遽能見此各
種禽獸豈可易視也與

光緒三十年八月初五日

第 四 百 七 册
本局開設天津河北獅子林

本册目錄

宮門抄

奏議 奉天將軍增一件

○署蘇撫端一件

摺片摘要五則

文牘 本省一件

畿輔近事四則

日俄戰紀(二〇七)

新聞 各國四則

圖畫 上海吳淞路新設

菜市

學報 女學議 戰法學

○河防述要 科學叢

錄三

天津郵政示第一號

大清郵政總辦為通行曉諭事照得前奉 總郵政司赫憲劄行以郵政遇有創設增改 舉務即隨時曉示衆知等語茲因現行之寄費清單至光緒三十年七月二十二日註銷 作廢另有新單任人取閱不取分文仰即前赴就近郵局領取以便至日遵辦無誤特諭

本局經收報款清單 本局報價自癸卯年正月起截至本年七月廿六日止所有直隸 府廳州縣未清各款均分季注明以備查核續收之款隨即更正其已交本年報價者 并特別注明列於報首統此布聞

交甲辰年全報費

密雲 懷來 赤城 熱河道
大名 順德 通水道

交正月至七月報費

交春夏兩季報費

萬全 樂亭 西路廳
北路 故城 東光
河間 阜平 懷來
正定 無極 平鄉
沙河 臨榆 平鄉
廣昌 臨榆 平鄉
新河 勃陽 平鄉

交正辛四月報費

高陽 臨城 鄆州
元氏 清苑 博野
望都 慶雲 玉田
成安 遷安 永平府
保安州 多倫廳 永定河道
圍場糧捕別 山海關統憲
永平軍府 蔚州 定興
大名府

交正至五月報費

交春季報費

東鹿 饒陽 霸昌道
三河 東路廳 青縣
景州 盧龍

交正辛四月報費

武清 邢台 吳橋
安州 蠡縣 益縣
新城 河間河捕房

交正二兩月報費

交三月至五月報費

保定縣 東明 廣平
陌鄉 深州 霸州
武強 薊州 安平
正定 曲陽 南皮
靜海 高邑 鹽山
趙州 衡水 磁州

冀州 遵化州 永清

懷安 河間縣 贊皇
行唐 獲鹿 懷柔
井陘 承德府 樂城
滄州 靈壽 赤峯

任邱 交河 平山

張家口廳 正定清軍府

文安 豐潤
交三月至五月報費

八月初四日京電本口 召元車機 閣抄奉

上諭四川補用道劉慶汾著致任南洋父字興銳差遣委用欽此奉

上諭陝西漢中鎮總兵員缺著程增補投欽此奉

旨遺所屬統防越獄之管獄官陝西葭州史日許鴻模著卽革職拿問交升允提回刑禁人等嚴行審訊
按律懲辦有獄官葭州知州俞尚齡雖據報先期公出惟未能先事預防亦難辭咎著交部議處仍著
嚴緝逸犯武潘兇務獲究辦欽此

宮門抄

八月初三日 工部 鴻臚寺 正藍旗值日 宗人府引 見四名 吏部五十九名 廂黃滿四名 正黃蒙六名 廂白蒙六名 載攬文璞各假滿請 安 恩公請假十五日 良泰續假五日 日 掌儀司奏初九十一日祭 奉先殿洵貝勒濤貝勒行禮 召見軍機 陳璧 練兵處遞封奏二件 陳璧遞封奏一件

皇太后 皇上明日辦事後至 頤和園駐蹕

提督衙門具奏據右營叅將趙春霖遊擊曾崇蔭督率都司白金聲守備高得元孫餘慶等帶同弁兵在王廣福斜街地方將奉 旨交拿著名匪犯魁禿兒即李幅拿獲並起獲洋槍等物京城地面結夥持械搶擄妓女關繫勦贖實屬目無法紀亟應嚴切究辦相應請 旨將魁禿兒即李幅交刑部 又左營拿獲結夥持械搶劫住戶復行刨挖墳塚盜犯湯珍等七名請 旨交刑部 工巡局奏拿獲鑄造私錢人犯吉得舜李慶源孟祺沈三兒蘇萬禾王得湖王禿兒張墨僧德舜永隆劉萬春李三兒趙大僧寬瑞馬海明石來氏共十六名口均請交刑部

福州來電○李勉帥初二交卸閩督篆初四起節

奏議錄要

奉天將軍增奏派員勦辦扎薩克公旗荒地情形摺

奏為派員勦辦扎薩克公旗荒地情形恭摺具陳仰祈

聖鑒事竊奴才前以哲里木盟科爾沁扎薩

克銀國公旗荒地情願招墾請派員收價丈放並先借給銀一萬兩以濟急需俟收有地價如數歸還各等情于光緒三十年五月二十五日具奏奉到

硃批著照所請該衙門知道欽此自應欽遵辦理查該旗荒地坐落在奉天新設遼源州東北距遼源州尚有數百餘里中隔達爾罕王廓爾羅斯公兩旗界東與札賚特王旗接壤西與現放之扎薩克圖王旗荒地毗連地方荒僻又無官府管轄素為盜賊往來之所舉凡疏通道路安插舊戶招徠新戶與夫一切清丈收欸各事宜在在均關緊要非有熟悉情形之員前往辦理難期得力茲查有花翎分省試用知府張心田前派辦理扎薩克圖蒙荒現在調省此項荒務原係該員前往商允即派該員為行局總辦以資熟手現已飭令先赴該旗將界址畫定一面派員分設局所仿照扎薩克圖荒務章程辦理如有應行變通因時制宜之處再行妥擬章程隨時奏聞除分咨查照外理合恭摺具奏伏乞

皇太后

皇上聖鑒謹

奏奉

硃批該衙門知道欽此

署蘇撫端奏籌給太湖水師巡防經費片

再蘇省梟匪充斥松江所屬一帶多係匪黨出沒之區近年捕務廢弛盜賊益熾奴才到任後疊經告誡營縣分別整頓並勸諭地方興辦團練而成效未可遂觀至水師營伍習氣尤深非統率得人難期振奮前因署江南提督楊金龍夙著威望辦事認真即將留防太湖水師全軍委令歸其總統節制該署提督受事以來頗能不辭勞怨實力巡防松江本係提督駐紮處所得其鎮攝或可冀匪徒斂跡四境相安惟是提督衙門公費本屬無多緝捕巡防皆須經費有餘方能呼應靈便該署提督雖廉潔自持常恐不敷展布茲轉飭蘇藩司按月籌給銀二百兩以資津貼再捕梟緝匪一切最關緊要奴才未敢稍惜小費期於公務有裨理合會同兩江總督臣魏光燾附片具陳伏乞

聖鑒謹

奏奉

硃批知道了欽此

摺片摘要

黑龍江將軍達奏擬將膏捐煙燈捐兩項先由省城辦起再推至外城及各村鎮叅仿吉林籌餉之法凡賣本土廣土煙膏一兩均抽收京錢一百二十文燈捐則每燈一盞按日抽收京錢五十文現已出示曉諭徵收至收數多寡不敢預期惟有認真飭辦以益餉源奉 硃批戶部知道◎署閩督李奏福建興泉永道駐紮廈門時有洋務交涉事件查現署是缺之候補道黎國康近來辦事未甚得力應即另委接署查有在任候補道福州府知府玉貴堪以委署並令兼辦廈門商政局務遞遺福州府篆務委候補知府程祖福署理奉 硃批吏部知道◎署川督錫奏川省機器局先後添購機器續建廠房業經分別奏咨立案現在廠房落成機器運到一切安置妥善所有用過購買機器價值運費及修造廠房工料等項銀兩總共一十二萬六千一百三十六兩零據採買營造委員分別造具細數清冊由司局驗收核轉彙案詳請奏咨核銷奉 硃批該部知道◎又奏請補馬邊廳同知方裕詩丁憂請以候補班補用同知趙權更補奉 硃批吏部議奏◎又奏夾江縣知縣申韓調補華陽縣知縣接准部覆遺缺請以新海防分缺間補用知縣熊振詡補授奉 硃批吏部議奏

文牘錄要

學務處呈覆查明磁州李牧設立蒙學情形文並批

爲呈覆事案蒙 官保批據磁州詳送設立蒙養學堂教習學生姓名清冊請委員復查以昭核實緣由蒙批據詳已悉該州設立蒙學至三百四十八處學生至四千六百餘名果能名實相符已與外國強迫教育之數相近仰學校司委員復查具報並飭該州將各鄉籌辦經費逐一註明何項造冊送核等因蒙此遵即遴委候補知縣徐永榮會同該州詳細復查稟覆去後茲據該委員會同接署該州知州岳齡稟

稱查得該州城關共設蒙養學堂四處皆舊有之義學改設每處學生多則十五六名少則十二三名又同赴城鄉各村鎮共抽查蒙學二十五處學生自四五人至十數人不等大都就舊有之鄉塾更名今春新立者不過十之一二卑職等連日抽查近則城關再則大村遠則集鎮不過如此其餘偏僻可想而知籌思至再無論徧查勢所不能即使周歷諒亦皆然夫設立蒙學至三百四十八處之多其中之虛實不待辨而明也卑職等查設立蒙養學堂乃自強基礎籌辦經費爲第一要義應由卑職岳齡趕緊邀集各紳士籌議的款遵照定章從新勸辦先設立三十處現已調齊李牧考取教習三十名汰其老德與有嗜好者其餘先由小學堂供膳學習教授之法一面另行招考總期實事求是敢徒託空言除設立整齊再行造報外所有查明磁州現在蒙養學堂實在情形理合會稟查核等情前來據此查該委員等所稟情形核與前署州李牧兆珍原詳多未符合推原其故似由李牧不諳學務所致然所報如此而所查如彼未免心存邀譽迹近鋪張應請將李牧兆珍記過一次以示薄懲一面嚴飭現任岳牧從新整頓實事求是另行據實稟報以重學務而開風氣除批示外擬合呈覆爲此呈請 官保鑒核(節錄)

督憲袁 批據呈委查得李牧設立蒙學情形雖由不諳學務使然但任意鋪張心存邀譽適開虛文搪塞之風應即記過一次以示薄懲仰移布政司註冊飭知並飭接任岳牧切實整頓總之各牧令興辦新政於極力推行之中須有實事求是之意其有遷延觀望者厥咎惟均不得以李牧之事爲藉口也仍由處通飭遵照

畿輔近事

督憲批示○具稟候選知縣前廣宗縣訓導陳儒翰抱稟胞姪鴻臚寺序班陳兆年 批據稟已悉候行天津府工程局會同查明核辦具復此批○具稟奉天安東縣大東溝舖商長豐棧等 批候據稟咨

呈 外務部酌辦此批○具呈民人葛成雲係易州人 批學堂經費應由地方官籌辦該民人呈請包抽炭稅顯係假公濟私從中漁利所請著不准行

保護遊歷○美國叅贊衛理遊歷直隸山東奉天蒙古又美國教士高厚德携眷遊歷直隸山東西浙江又奧國工師施伯司加納自漢口至河南直隸山西均經 北洋大臣袁官保分別咨行照約保護學務彙紀○北洋派往日本肄習政法速成科學生共五十人現已足額正在造具名籍其監督爲保定府朱郡守家寶擬於本月二十一日附輪東渡 軍醫學堂新添體操一科操衣操帽俱由堂中備齊並延訂日本教習一人 速成武備學堂上年招考各生已於七月畢業現又出示續招新生自本月初一日起有願習武備者開具年貌籍貫赴堂報名限於十六日截止

臬臺批示○南皮縣民人戚福成來司呈控一案 批據呈該縣已將周鎮審擬解勘飭承檢查尙未到司諒在天津府提審轉詳未到綜核此案情節爾姪之死由自戕迭經印委審訊供証確鑿情無可疑乃爾一再上控堅謂爾姪係被周鎮共毆身死非因自戕並稱敢與周鎮質對是否原審果有不實抑爾依恃屍親任意刁狡候行天津府作速提同該原告質訊明確如果戚連登實係被毆身死即將案內正兇幫兇分別擬辦若係該原告誣控亦按例反坐不得姑寬該原告即赴府投質勿稍逗遛

日俄戰紀(二〇七)

西九月十一號東京電日本右翼軍於九月五日占領裕連勾玉門子山一帶地方(在遼陽東北之煙台附近) 西九月十二號東京官電據總司令官報告遼陽之役我軍所獲敵軍軍器等物中查出達

母達母彈子二種頗似俄國所用△八百九十一號鎗子我受傷者中疑有爲該彈子所傷

西九月十三號路透電英人於日俄戰局議論與前不同向來輕視俄軍者觀近日戰事咸謂結局不可測度△某日報云庫魯柏提督善於用兵故日本大山元帥將爲所困(意謂俄誘日軍深入內地然後圍而擒之)△俄皇已發赦得薩(沿黑海地)部二十二邑之新募豫備兵及全國豫備將校一班充當兵役△前敵訪事員來信云八月二十六號及九月五號兩次之戰日俄兩軍死傷人數約有六七萬之多△波羅的艦隊已從克耶斯他德港開駛揚言將赴遠東△俄國運船勒那號由海參崴抵舊金山埠△俄國全國長老會(基督教之一派)中人每逢禮拜日及節期必宣誦祝文祈禱上天垂佑俄軍戰勝

遼陽戰報 (接昨報)三十日黎明所有我軍皆出全力進攻前面之敵軍其對我第一軍團左縱隊之敵營皆在孟家嶺趙房屯新立屯方家屯至西之許上堡(在遼陽沙河鎮之中間)一帶由東至西左右兩傍諸高地之上距遼陽約六英里四之一延長十二英里半今將在此等敵營間交戰之情形略列於下 第一孟家嶺及趙房屯之戰三十日黎明我第一軍團之左縱隊接連擊敵於孟家嶺及牙榆子附近之處午後三點鐘敵之援軍源源而來故我縱隊不能據敵之營地我軍遂以一枝隊成右翼由午前六點鐘以砲兵之砲火加於在趙房屯南面高地之敵軍初甚得手因敵軍援兵已增至兩師團有餘携砲五六十尊所以我右縱隊(卽所稱之右枝隊)甚危力戰至午後三點鐘其時該枝隊得與第一軍團之左縱隊聯合由趙房屯之南高地將敵驅散並將圍瓦溝(離趙房屯一英里四之一)一帶之地占據雖其時敵軍拒我甚堅然於午後五點鐘我軍接戰極有進步 第二方家屯及新立屯之戰我軍以主

力隊爲右翼又大軍一股爲左翼開始擊敵敵由堅壘力拒我軍以猛烈之砲火加之至午後五點鐘豫備總攻惟我軍不能撲敵之營地 第三許上堡之戰我軍之主力軍成爲左翼由八月三十日黎明攻許上堡西面高地上之敵敵用機器砲擊我軍盡其能力將敵擊回惟至午後四點半鐘攻擊之事仍無進步我軍遂於該處添防備兵於左翼在此時之先約於午後二點鐘之時我縱隊之砲兵向前進至敵軍之左附近鷺子塘（在沙河鎮之北十英里）之處緊貼許上堡左近敵軍之後時敵軍之勢漸增並於許上堡高地之東設砲約有百尊營地築造堅固加以其輔助之防工曾使我步軍不易相近至午後七點鐘我軍處此景况仍向前攻擊及至天黑之後我左翼之軍復與敵軍夜戰至八月三十一日晨仍然力戰不懈是日午後始行停戰 我右翼軍之一股於是日午後十二點二十分據新立屯西面諸高地我軍又於孟家嶺方面與優勢之敵勇戰並能堅持其營地是役對我軍團之敵軍至少在十二三師團之間 又九月四日東京大本營得公報云我軍自三日之夜至今晨與敵激戰後已占領遼陽全部

各國新聞


●路透電報 探南極船笛斯夸浮號已抵英倫之抱斯穆斯埠該處學人開歡迎會以待之聞至倫敦時亦有歡迎之舉英皇已令特鑄一牌以獎其功△德屬巴布亞土人殺死德國天主教中男女八人該土人初意欲將教會中人殺盡而未果茲已將爲首之土人十六名正法△美總統盧斯福有聯任之望前日聞信之後深以共和政策爲然而於棄置非律賓一事則謂將來恐有受虧之處（西九月十二號）

●日韓新約紀聞 漢城消息日本駐韓公使連日與韓政府商訂一新約刻已簽押互換約中大旨爲將來韓國欲與第三國締立條約或聘用外國人須經日本政府承認後乃可實行

●俄憂荒歉 倫敦泰晤士報云俄國各省歉收開夫省連旬重霧禾稼大傷已成荒象該省總督諭令

各地方官豫備一切又某報館接加古夫電報謂該省亦以雨澤太多收成無望馬格里夫省農民乞食者日多一日其強者則迫爲盜賊云

●韓俄近事之批評 有旅居日本東京之自號冷齋者評論韓俄近事曰半月以來屢聞韓政府與日本交涉延聘顧問一事其財政顧問官爲日本人其外交顧問官爲美國人云吾輩不能無些須疑團謂日本何故肯肯分韓廷勢力之一部分於日本人以外之國民耶乃直至今日其所聘顧問官之姓名已發表其財政顧問則日本現任大藏省之稅局長目賀田種太郎也其外交顧問則現任美京日本公使館參贊官美人士的温也士的温者一白色之日本人也咄咄奇妙 日本與韓國新定特別約謂日本公使欲見韓皇隨時入見不得推託謝客云吾謂此約猶不免稍貶戰勝國之身分 韓國有一怪現狀即自兩月以前擬由官費派一百人往日本留學出示招考無一人應者前半月復招考一次減額至五十人仍無應者是亦咄咄怪事 俄國之托爾斯泰伯當代第一文豪且有十九世紀創新教者之目世人多知其名彼現著一書極力反對戰爭勸俄人切勿從軍云彼非革命家也彼非虛無黨也而出此言何居俄之戰爭雖不當然生於俄養於俄爲俄國民一分子者寧容作此語耶吾不能慊然於托爾斯泰伯西歷八月一號德國某新聞接俄京電報謂托爾斯泰伯之長公子投入步兵第二百二十七聯隊爲義勇兵伯之子真不肖千萬 俄國新任芬蘭總督阿凌士奇公爵之夫人每日接信片數十通聲稱公爵若赴新任限一禮拜內取其首級云云公爵夫人日夜涕泣公爵日夜皇悚聖彼得堡高貴社會之人日夜驚擾可憐可憐 俄皇因新太子舉行命名禮之日下一恩詔免農民及兵卒之肉刑一切國事犯皆予特赦撥出三百萬盧布辦芬蘭賑濟且此次陣亡及受傷之兵卒其兒女教育費皆由政府支出云收拾人心固應爾爾



市 菜 設 新 路 淞 吳 海 上

悟禍福之無門而廢然自返也。至於釋老精理多與生物競爭之理相反且皆流於消極主義而不足立於今日世界者也。况僅得其糟粕乎。鬼神之說古人本借以警世。然而以此防民愚懦者爲所炫惑。黠者借以售欺於世。道人心究何所補而流弊所及當亦古人所不及料歟。大抵境愈困人愈愚。公道愈亡則僥倖之心愈深而迷信愈不可解。我國婦女迷信者居多。未始非別無希望。有以迫之使然也。任教育者當使風氣漸改。人人有將來之希望。有自爲之氣數。則一切迷途。放大光明而天下無棄人矣。不然雖在男子。至抑鬱無聊。無可如何之境。必遁於出世主義。苟或不然。則橫決縱恣而已。婦女之愚尙其次焉者也。

又有進者。今上下患貧而事事皆阻於籌款矣。然民間賽會迎神佞佛之費。動成鉅資。使皆能化無用爲有用。何嘗不足興一事。然而民不願者。迷信之習深。而新智識未開也。苟知創興之舉。爲大有益。何樂而不爲哉。欲強之以勢。不但不順。且徒滋事端耳。苟欲去其劣根。必先於女子智育爲之基礎。使異日國民皆知化無

用爲有用。其效不益大哉。

乙新智識

今譯籍日多。哲學之理想。科學之功效。漸灌輸於我學界。承學之士。能略窺門徑。談涯略者。必不爲習俗所囿。蓋新學問者。愈愚之藥石也。惜乎婦人女子。向不以學問爲重。欲求其稍通新學問者。幾千百而不能得一二。然講求智育。舍此無由。以習聞者言之。人身引電。非天罰也。骨中有燐。非鬼火也。天空星球。各有軌道。日月之食。慧星之見。既可預算。何足驚駭。化學原料。皆人間物品。而挖眼剖心。可無用疑。明乎衛生之理。則知壽夭。無關命運。明乎天演之理。則知窮達。不必怨尤。苟於種種科學。畧得大凡。爲益已匪淺鮮。况更進而益上哉。

丙世界觀念

我國婦女。其見解之不廣。尤甚於男子。尙家族主義者。居其大半。具國家觀念者。已屬絕無。而僅有矣。况世界觀念乎。夫今日之世界。既日趨於進步。地球之上。得

第七節 徒手戰

第一條 宗旨與徒步戰之時機

徒步戰者。本非馬隊固有之戰法也。其宗旨。不過與馬隊以獨立之性質。俾其迫於不得已時。亦能不藉他隊協助而盡其特別之任務者。亦常有之。在達此等宗旨時。各兵務使用火器。巧於利用地物爲衆。

馬隊徒步戰法。多在防禦之時。以行徒步之攻擊。蓋爲達其宗旨。非此無以盡其職守。或舍徒步一戰。更無他法施行也。

凡爲徒步戰。得能限於短時。即可成功。最爲緊要。因馬隊之兵力。以及所攜之彈藥。爲數無多。決不能如步兵之火力。依賴後方部隊。漸次增加。較之若困難耳。故戰鬥伊始。總以多用兵數爲要。

馬隊可爲徒步戰之時機。大概如左。

一、攻擊甚少之敵人。或佔據狹隘森林村落等處。與阻我大部馬隊前進之時。

二、射擊敵人縱隊。使被迫於不得已而展開。或使其行進方向。改向他方轉移。即可乘此偵察其兵數。妨害其成果。淹滯其行進之時。

三、比敵先佔要地。留與後部續到之部隊。在此防守之時。

四、當我退却運動。防支敵人追擊。使彼展開。耽談時刻。不得追我之時。

五、通過猛路。收容我軍退却部隊之時。

六、在宿營防禦等時。

第二條 下馬

凡爲徒步戰。應使若干兵數下馬。須因當時宗旨。以及是否使因空馬之動作而定。如要空馬動作時。不可不用半數下馬。

半數下馬者。各兵按次報名。逢偶數者下馬。逢雙數者代理之。

全數下馬者。即全部皆下馬也。各大排留兵四名。（用兩翼前後行者）令彼等保持馬匹。

動機輪。而何底所淤之沙石泥土等物。俱可迎機而開。至於積聚之小靈石。(河水自山中流下所挾之石子形如扁圓者)及沖激之碎沙石。汽機尤易碾開。因汽力甚大。此等疏鬆物質。不待大春大鑿。無不立成齏粉。縱使土石性硬。凝結頑固。苟屢加掙擊。亦易疏通。惟土內生成之磐石。則汽機力有不勝。難於轉動。故遇此等河域。必應另設方法。或將此石移之河側。或改道出其一旁。多方籌畫。必有滄通之日。至於汽機之狀。乃於桶架之上。製一小筒。以熟鐵葉爲之。凡沙石泥土等物。俱被吸動。隨機入桶。下口吸入。即由上口吐出。隨吸隨吐。最爲便捷。此器之前。更有移除河底浮聚諸物之器。或用多齒之耙。或用四尖之枚。俱有機關節制。一來一往。向兩旁分推。此汽機之大略也。

浚河機器之最精者。可抵十六匹馬力。設一十六匹馬力之汽機。用於無阻礙之地。一點鐘時。可出泥沙碎石二萬三千五百二十斤。吸出之物。裝入駁船。距海近則運而投之海底極深之處。去海遠則棄之岸旁高峻之區。然須預度地勢。必其遇大雨

時行之日。不至復沖入河。方爲合法。每鑿一方。工有多少。故費亦不同。凡土石軟活。易於疏浚之地。工費皆省。而堅硬難浚之處。則工費必多。自不待言。又海潮所至之地。水勢瀾漫。工費尤必增加。如英國用此汽機浚河。尋常均計。每吸出土石一千六百八十斤。其所需之費。約合中國銀自五分二釐。至七分一釐。一應雜項零用。俱在其內。此外別無他費。慣用此等汽機者。莫如蘇格蘭人。其地有河名歌蘭德。每歲之間。自其河中掘出之物。以少計之。百有十六萬噸。以多計之。百有十八萬噸。（一噸合中量十六石八十斤）格拉斯歌城（蘇格蘭地名）西南距海五十四里。通以格來底河。此河中淤沙石居多。如不恒浚。則巨艦扁舟。皆難通過。故每歲必浚。每浚必用汽機。其督河公所備火輪汽機五。火輪拖船一。探水鐘二。駁運船百有六十。皆爲浚河之用。其價值共計銀十二萬四千有奇。其每歲每次做工之多少。海機之長短。爲列一表如下。

浚河汽機名目

開工年次

至深

至淺

氣櫃
直徑

伸縮
長短

桶數

桶架
之長

馬力

輒以個人主義任性而動。縱有靈敏之技。優美之行。不已。視日本卓絕之力。較遜一籌。歟。按日本主要之學。理想之習慣也。故其智力不為情累。今由中國海岸得警報曰。神明之胃。已以佛學之靈。巧施克虜伯軍器矣。彼西洋輕觀哲學。第以科學機器學是務者。盡其鑿諸。夫教者各隨時地。授以淺顯之理。為實用之學。益智之術。皆日本教育中事也。故以深思。精理。練其腦力。而實用之。效。即在於中。傳曰。有文事者。必有武備。若使羅馬。哲學家。亞格奇士。而為武夫。自能以其胸力。指揮三軍。古以神學家。為名將者。比比皆是。而日本向以典律。維持情志。視神學與宗教。尤為嚴重。其子若孫。入海軍。而奏奇績。固無足怪。若以係出黃種。而概目為劣等。豈通論哉。近日用機器者。日優於俄。亦著明於世矣。日本以藝術與思索。為教育之本。兵家心得。隨在成功。故以雕刻之巧。習鎗礮。而有餘。且也不畏大事。不忽細務。不敢以優種自負。而亟求進步。不敢以機器自信。而用力不懈。誠以養成腦力。為要務也。而其博采機器之心。亦未嘗或息。要之其固有教育之法。既不輕棄。而復於泰西工廠。舍短從長。以求實用。此其所以一旦遇戰。而能得心應手也。

論經營滿韓（外交報譯日本明治三十七年六月十五日太平洋報）

我東京商業會議所。以經營滿韓之議。陳於全國商業會議所之聯合會。陳義甚高。非苟為已也。聯合會者。使各商業會議所。以時集會。各陳其地方利害關係之事。而互相討論。利害不必盡同。

則旨趣不免互異。顧自甲午以來。國威旁薄。各種社會之勢力。隨之而擴張。而生計界亦以進步。聯合會所陳之議案。往往爲各會議所公認。今舉其概。一通內外資本。二獎勵產業。三改正海關稅則。四擴張殖民政略。五經營滿韓。是也。

此五案既屢爲聯合會全體議員之所承認。且或請於政府。或陳於議會。一再未已。聯合會所以有此同一之意見者。良以生計界進化之故。無論爲人力。爲物產。皆不可不合同於內。而競爭於外也。中日戰後。財力凋敝。資本之流通。頗爲竭蹶。主生計者僥焉爲補苴營救之舉。及近二三年。元氣漸復。而聯合會之五議始起。實有見於我實業家。沾沾自營。不足以與外國競。而利市一端。亦決無驟進之望也。然此五者。尙未能實行其一。而日俄之戰爭起矣。

今之戰爭。實業界之受累。所不待言。即國家財政之前途。亦若有可慮者。然無論戰局如何。我實業家。果猶有域於尋咫尺之見。如中日戰後。生計艱難之時。沾沾焉持補苴營救之議論者乎。此戰爭者。實我國民藉以考鏡之一大機會。吾黨觀於聯合會之議案。而不能不爲得雋之喜者也。蓋今茲之聯合會。與會者之衆。爲歷年所無。全國之商業會議所。凡五十有四。其不及派員蒞會者。僅二三所而已。而會期議案。亦未有踟躕域中之卮言。不曰戰後如何。則曰滿韓之經營如何。此至爲可喜者也。吾嘗訪大隈重信於其邸。大隈曰。吾日本之社會。若退而非退。無論互市如何。減

總

理審

學定

務教

大書

臣

再版流寰全志是編搜集東西輿地佳本精心編纂一年之力而成詞旨條暢校訂精詳附圖數百幅精緻美觀校審定價大洋貳元

中國歷史教科書是編搜集東西輿地佳本精心編纂一年之力而成詞旨條暢校訂精詳附圖數百幅精緻美觀校審定價大洋貳元

亞美利加洲通史全洲地理人種文事武功物產製造政教風俗無不備載讀之於美洲大勢可以了然

致教科書是編搜集東西輿地佳本精心編纂一年之力而成詞旨條暢校訂精詳附圖數百幅精緻美觀校審定價大洋貳元

馬氏文通是書聲價無待贅述今承書主以是書歸本館專印專售業經登

生理學教科書是編搜集東西輿地佳本精心編纂一年之力而成詞旨條暢校訂精詳附圖數百幅精緻美觀校審定價大洋貳元

鑛質教科書是編搜集東西輿地佳本精心編纂一年之力而成詞旨條暢校訂精詳附圖數百幅精緻美觀校審定價大洋貳元

論理學綱要

教育心理學

理財學精義

物學教科書

普通算學

消費極繁博而譯筆極為

條覽每部一册洋四角

詞旨曉暢亦能為原文所

東縛旬部一册洋四角半

漢文詞達理舉足供教授

之用每部一册洋三角半

代售處

天津官書局北京公慎書局

上海棋盤街商務印書館謹啓

利文洋行

本行開設天津上海香港志呢華海參崴等處均設有年諸班貨物由外洋本機器廠自造件兩洋鐘皮貨鐘

天文坐封等鐘以及金銀夾金銅鋼等表約有二百餘宗並各樣表鍊金銀珠寶鑽石戒指耳環鋼子表隊大小

八音盒並留聲話匣雙桶千里眼磁磨花穿衣鏡梳妝鏡大小包法國洋號及新到轉盤換調話匣凡

音盒價值格外從廉仕宦官商光顧者請移玉紫竹林法租界本行面議可也

本行主人啓

戒煙香片茶葉

天津錦州街錦泰號

代售本藥房

本行自製各種中西外器
 各式各樣之器
 久已馳名
 工部局
 及民
 尤覺
 所
 能
 格
 保
 臨

天津吳租界
 賜旭街馬路
 澤商店
 顧請謹啟

元隆綢緞洋貨莊

開設估衣街中間路北大牆門面自置綢緞紗羅縐縐綉各種錦緞花素綉絨新式欄杆各種
 衣新花洋氈斗蓬花素線綉閃花羽緞各種布疋零整發售現銀交易格外從廉以昭久遠
 寄售龍井雨前各種細茶皮絲水烟加料大小皮箱帳匣

天津官書局

同保定總局自選各省官刻家藏木板石鉛印經史子集新譯經濟時務策論並各學堂應用書籍及
 中外地圖原刻洋文圖者請至北馬路路南本局購取價值格外從廉劃一不二特此佈告

天津 養字山房

本房新刻官板御批通鑑輯覽計五十八本做八函仿殿板校對無訛現今通鑑鉛石印日出不窮書內
 舛錯甚多之弊已蒙海內士商購者特登報章各省學堂委員來人或寄信來津或用粉連紙毛邊紙大
 毛太紙等書若干定期不悞昭！料出售自運時務學堂天地圖教科書並木板經史子集代士商攬
 刻木板石印刷裝訂收買舊書無不備齊購者格外從廉 針市街便是 本房主人謹啟

斷癮靈丹

蓋聞鴉片烟一種人心皆愛凡食物均皆坐而食之惟鴉片烟睡而吸之初時吸二口令人逼體速快癮頭一深以致
 骨瘦如柴筋骨痠痛精神疲倦大便不遺失業誤事種種苦狀為害不淺不勝言矣(余)近思善法可使人脫離苦海
 製成參茸珠珀五行斷癮丹中並無大烟烟灰馬非等用嬰索花伐之人不受烟積之累其效非常服此丸能補身而延年壽益永無疾病
 真當世之妙藥也現已出售每料洋一元附送十全大補丸五粒服法另有仿單(達氏敬白) 近今市上臭虫臭藥均無效驗(余)近
 思一法秘製奇妙臭虫藥業經出售每匣洋三角不賒不收錢 貴客欲購者請至河北大胡同路小胡同內葉逢伯醫館便是

浙 杭 范永和綢緞南貨局

開設天津北門外鍋店街自置綢緞洋布桂油香貨東西洋貨胡糖
 篋子木梳南貨一概發客貨真價實言不二價 惠顧者移玉是幸

新開北京第一書局廣告

本局以振興教育為宗旨注重首善推及各省延聘教育名家及專門學者編撰官
 私立各學堂應用教科及各種專門書籍陸續發行并由上海日本採購最近出版
 圖書雜誌標本儀器共數十種平價發售局內做外洋公司設立新書陳列所以供
 閱覽兼備採用定於四月內開張 北京琉璃廠土地祠內北京第一書局

商務印書館出版各書

侯官嚴幾道先生著英文漢詰

十年以來吾國討論西字者日多有志之士慮其不實而妄其不辦則無怪有志未逮者多向洋而歎者衆矣侯官嚴幾道先生深得中西文字三昧年來譯者大抵典冊高文以為衆人所不能為自任故於文法一事薄不肯為近者從游高足諸公謂先生必纂一書以為海內學英文者向導致請函促乃以半年日力撰成是編由淺而深自審音論字至造句析辭點頓而止用旁行式英漢開出無疑不析無例不條遇與中國詩文可互相發明者輒旁證曲喻凡就中國學者所難通者尤必為之反覆而明辨蓋作者不獨以己之昭昭啓人之昏昏也以辦理學堂典司教育日久洞見癥結深悉初學之所疑難故能懷心貴當如此是誠西學之金針而學界之鴻寶也洋裝一册價洋一元

○再版群已權界論 洋裝一册 校正 社會通詮 洋裝一册 羣學肄言 每部二元

○原富 每部八本價 洋二元八角

○天演論 每本價 洋二元

○商務印書館華英音韻字典 每部一元五角

○商務印書館華英字典 每部一元五角

○商務印書館袖珍華英字典 每部一元

○商務印書館華英字典 每部一元五角



神丹

增參精神 健壯脾胃 掃除癰毒 能治霍亂吐瀉 腹痛胸膈痞症 瘧疾咳嗽 疔毒 疔毒等症

坤寧丸

應婦科諸 症極靈藥 治男婦逆 上衰弱等 誠聖藥也

一掃光

淨潔而無臭 臭諸般瘡癬疥 毒風熱毒 疔毒癰疽疔毒 魚鱗牛皮乾癬 疥癩頭髮 落淨毒酒粉刺脚氣 狐臭皮 腐真癢潰爛等症 一搽見効 真另家不備妙藥也

殺蟲散

立除臭蟲 又能驅蚤 虱白蟻蚊 蠅等而無 害藥也



天津 國藥 北宮 藥房

天津 北京 山東

瑞林祥元記 綢緞洋貨莊

本號開設(北京前門外鮮魚口外)(天津估衣街中間路北)(山東濟南府院西路北)等處自置綢緞洋貨願繡粧花素貢絨粧緞以及京廣什貨織絨綫貨各色俱全貨高價廉劃一不二中外 紳商賜顧移玉是幸 瑞林祥元記具

橫 濱 正 金 銀 行

本銀行向在日本開設二十餘年資本金洋二千四百萬圓現收足金洋一千八百萬圓公積金八百五十一萬圓專做仕商匯款押款存款借存利息格外公道存款長期短期利息酌為等差惟比他行加厚總行設在橫濱又東京神戶長崎英之倫敦法之巴黎美之紐約舊金山以及布哇孟買華則香港上海牛莊北京等處皆有分行凡通商口岸皆有妥實代辦之家倘蒙仕商欲匯款存款者請至本銀行面議可也特此佈告 天津紫竹林支店估衣街分行 謹白

本 報 代 派 處

各省郵政總局分局均認定代派本報凡由郵局訂購者不取郵費
 北京琉璃廠橋西路北公慎書局本分局
 天津石橋胡同後齊佐周○鄉祠南李茂林保定城內西街本分局
 ○官書局
 開封南書店街本分局
 南京東牌樓慶昌錦州同益分報館
 濟南官書局
 漢口鎮日報館
 南昌府城派報處
 各州縣驛遞不在此例

西 歷 一 千 九 百 四 年 九 月 十 四 號 禮 拜 三

輪 船 出 口 日 期

八月初五日
 泰順 往煙申 招商局
 連陞 往煙申 招商局
 通州 往煙申 太古行
 均由紫竹林開

八月初四日

赤金三十七兩一錢五
 銀元合公法平銀七錢一分九釐五
 化寶銀合九七六津錢二千三百七十五文
 銀元合當十銅元八十二枚半

天津	開往	京榆	火車	時刻
到山海關	早	到北京	晚	晚
六點	六點	六點	八點	三點
六點	六點	六點	一點	六點
二十五分	四十二分	三十八分	三十二分	三十二分
開	開	開	開	到